

Cong. Acad. Univ. Jagell.
Promotiones Ord. Theologor.

1603. 30. Ianuarii.

Boenya 2871.

Opatorii Adamii: Urania sacra sive Lau-
reae doctorales Theologicae.



katkomp

1168

L. Mag. St. Dr.

P

D

H
S
A

234.

Vrania Sacra
SIVE
LAVREÆ
DOCTORALES
THEOLOGICÆ

Quæ 30. Ianuarij. Anno Domini, 1603.
conferentur, R. D.

BASILIO GOLINIO, PRÆP. S. Flor.

STANISLAO BATCOVIO, Can. C.

ADAMO FALECIO, Decano S. Flor.

Gratulante,

M. Adamo Opatowio.



CRACOVIAE,
In officina Typographica LAZARI.

234.

1603.

DOCTORALES
THEOLOGICAE

Gregorio, R. D.
Bartolomeo, R. D.
Adamo, R. D.



1891 R. A. G. O. V. I. 1168 I

Ar
Et
An
Eur
An
Qu
No
VII
Far
C
Inc
Dic
No
Et c
Qu
Orc
Æd
V
Vrb
Con
Fir
App
Lon
Cer

V R A N I A .

Quis languor & quis lethæus sopor alligat artus :
Quæ tam dira lues membris afflata beatis
Arctoo constricta gelu tenet ora sororum ?
Et prohibet numeris modulatas reddere voces :
An quæ dite facem curarum in pectora torfit,
Eumenidum facies formæ certamina spargens :
An né festa dies sacrifque dicata Camœnis
Quaque virum solers prudentia rebus in altis,
Nominis & laudum titulos exoptat habere,
Vllo Musarum cantu celebrata niteret ?
Fare age Calliope nostro dulcissima cordi.

CALLI : Tu quæ fidereos tractus & gemmea tecta
Incolis, & quæ sit diuûm sententia pandis :
Dic age, nec tacitæ mirere silentia turbæ,
Non fas est diuina modis celebrare profanis,
Et quæ Pierio non sunt audita sub antro.
Quare pande soror sacro stimolata furore,
Ordine cur longo capiunt subsellia ciuem
Ædibus ex propriis augusta ad templa ruentem ?

VRAN : Dicam, nec me quo dignaris honore nega-
Vrbem quam cernis turrets & tecta sub astris (bo :
Condere, & Istulæ aquas circum se voluere lentas ;
Firmauit fundamentis opulentia Craci,
Appellans iam tum surgentia mœnia Cracam.
Longa dehinc Regum series labentibus annis,
Certatim cupiens monumenta relinquere sceptri

Vnua sacra.

Ornauit faxis componens templa recisis,
Aut arcis turres, Regumque palatia ad auras
Educens cæli, aut consternens marmore tecta :
Sed tanto reliquis melius duo lumina Regum,
(Liuida quæ nunquam carpent obliuia, doctis
Dum locus hac vrbe, & statio gratissima Musis,)
Casmirus & primus Litauâ de gente Iagello
Ornarunt, nobis, Phœboque ad regna vocatis,
Moribus vt sæuis horrentia pectora gentis
Mitia præceptis rebusque secunda gerendis
Præstaret nostrum solers & sedula cura :
Et dum vos durum callem virtutis agendæ
Et fortes animos pro libertate gerendos
Monstratis, dictis animos & corda regentes,
Diuûm ego stelliferas sedes candentis Olympi
Incolo, fatorum currentia stamina cernens,
Et quæ Rex Diuûm celeres mandata per auras
Terrigenis deferre iubet, Cyllenia tanquam
Proles carpo viam, atque æterna oracula pando :
Abstrusos diuinarum longosque recessus
Euoluens rerum, & veros pietatis auitæ
Sensus enarrans, coecis quos merfit in vmbri
Gens Cocyti exorta lacu, studiosa nouandi
Antiquos ritus in relligione probatos :
Vnquam neué stygis sæui quassata procellis
Tam pia sacrarum rerum doctrina periret,
Aõnio coetu magno pietatis amore

Deligo

Deligo flagrantefque viros rerumque peritos,
His ego demando doctrinae arcana perennis
Mente procul posito fastu cognoscere, nec non
Christicolum mentes studiis accendere sacris.
Quaeque vias inter spatiosas semita caeli,
Angusto monstrat felices tramite sedes,
Declarare volo, exemplis sanctisque praere.
Istis quaeque vides iam sunt solennia magnis
Nominibus Doctorum, amplis titulisque dicata.
Haec pia Maiestas Regis; Regnique Senatus;
Imperiique insigne, horrendum & fulmen in armis,
Nobilium splendor Martis certamine partus;
Et grauidae populis vrbes, & moenia Craci;
Et quae plebs validis proscindit prata iuuentis;
Craciadumque omnes, tanto dignantur honore,
Vt sua posthabeant illorum seria laude,
Effusi que ruant priuato limine, in hasce
Ornatas Regum Titulis & moenibus aedes.

CAL: Siccine dum coetus Iuhas Helicone morantes
Pectora terna virum doctrinis deligis istis.

VRAN: O mihi luce magis soli dilecta sororum
Calliope, hoc dicto, hoc obductos corde nouasti
Infandos luctus, & funera moesta meorum;
Quae tu, quae nostrae grauius fleuere sorores,
Vt sparsi colles lachrymarum fonte maderent,
Et pulsae valles gemitus super astra referrent.
Septenum tardo Saturnus cardine gressum

Vnumia sacra.

Euoluit Lehi vt latis confedimus aruis
Tempore vix tanto paucos transegimus annos,
Quo non dira lues tenebrosis mergeret vndis
Millia multa virum patriis aptissima bellis:
Sæua tamen timuit grassari limine docto.
Sed postquam hanc fatias tumulorum cœpit inertum,
Spargere lethales auras, & tabe fluentes,
Fumantesque faces pestem in præcordia cœpit
Coniicere, & sapientum ad manes mittere stragem.
O nullum miserata malum, fors aspera semper!
O facies atrox leti; ô crudelia fata!
Mors avidos omnes expandens oris hiatus
Septenas pompas sapientum duxit ad Orcum:
Nec cessante lue est tantis satiata ruinis,
Funera funeribus pergit cumulare scelesta
Ultima Doctorum rumpens duo fila meorum.
Quare sacrarum locuples sapientia rerum,
Ne viduata suis vnquam cultoribus esset,
Excultos pietate viros doctrina & ab omni
Delegi, deserta trium supplere viratu
Munera sacra volens: numero Deus impare gaudet,
Annuit & cœptis triadis sub imagine sacra.
CALL: Est hoc, vt dicis, placataq; Numina doctis,
Iam meliora dabunt, iam tempora læta reuoluent.
Sed, quis hic est vultus præclaræ mentis imago,
Et quem tu primo reliquis dignaris honore?

VRAN: Hic ille est, vestris longum versatus in antris

Colli

Urania Sacra.

Gollinius, toties diuini Heliconis ad umbras
Arguto blandos impellens pectine neruos :
Vatidico & sacros libans de fonte liquores,
Iu cundum que sonans Parnasso errabat amœno ,
Quem Charites vinctis manibus plaudente chorœa,
Motibus & lætis comitata est turba fororum :
Et pater vt Phœbus tantâ dulcedine cantus
Ore ciere videt, vatis concessit honorem ,
Tempora præcingens Lauri de fronde corona.
Huius Sarmatidum terris Aquilonis ad ortus
Graiu genæ Musæ, si viuant, ore loquentur.
Attica , cui Græci sermonis suada Venus que
Ipsa sales dulces que suos largita lepôres.
Hic mandata Dei vatum que oracula sancta ,
Et quos rex Psaltes numeros discrimine septem
Diuisit fidium , cælestia numina placans ,
Pandere voce potest, doctus sermonis Hebræi,
Et quæ sint ipsis mysteria consona verbis
Ipse probare potest ; fuerint si dissona, solus
Confutare potest ; tenebras que hac luce fugare.
His tribus & linguis multâ que edoctus ab arte
Gollinius noster, meritos iam sumat honores.
Tres que velut Charites nexæ complexibus arctis,
Et se & cuncta fouent spirantes pectore amorem :
Munere sic terno linguarum ornatus & ille,
Omnes complexus tenero seruabit amore.
Quod que diu aulæi cælestis curia terna,

Omnia sacra.

Terrigenis vacuas sedes implere peroptat.
Gollinius terno linguarum munere soluet
Victor lætantes ducens super astra cohortes :
Ducat & ipse polos vtinam transcendat vtrosque
Annue tuque soror faueant vt ea omnia votis. (tis

CALL : Annuo, teque sequor, faueant vt ea omnia vo-
Numina magna precans. Votis pia numina adeste.
Quid cuius faciem veteri grauitate decoram
Intueor; noscens formæ simulachra latentis,
Num te num paucis verbis memorare pigebit?

VRAN : Me verò pigeat numeris celebrare minutis
Digna Sophocleo cuius benefacta cothurno,
Et quem vos vestris pluris fecistis ocellis,
Rursus & ille suâ pluris vos luce putauit,
Hoc quodcunq; virum, quod secula prisca tulerunt.
Artibus aut insigne fuit candoreque morum,
Vno ceu locuplete penu complexa fouentur.
Hic locuples iugique fluens facundia riuo
Pondera magna sonans rerum sermone nitenti.
Hic rerum quæ sunt longo retrusa recessu
Quæ stupet & turba & vulgus mediocre scholarum,
Cognitio quarum Doctos perplexa fatigat
Ponderibus rationum exculta Sophismata habentur.
Hic mandata Dei internis insculpta tabellis,
Spirantis flammæ animi cælestis amoris,
Momenta hic rationum sunt meditata dolosa,
Quæ gens noctiuaga & surgens de nocte latronum,

Circa

Vrania sacra.

Circa Christicolū saltus vineta que tendit,
Hic doctrina Patrum felici mente reposita,
Et flagrans studium pietatis amore calescens,
Quo mentes illæ ardebant, monumenta que quarum
Huius contorquent faculas in corda caloris.
Hic chorus illustris virtutum mente refulgens,
Quo noua se produnt probitatum exempla, boni que;
Queis ornat Mystes Christi sanctissima templa,
Gymnasium que; ornat Craci multâ arte professor,
Cætera si memorem magnum pelagus sit arandum,
Hoc vnum memorans si dixero, cætera mittam.
Regna securigera vt gaudebant ciue Catone,
Dum Prætor, Consul, tandem Induperator, auitos
Imperii fasces, armatos iure bono que
Gessit, & antiquo vitam de more labantem
Erexit Censor, primū & deduxit in vsum;
Sic nunc Pierii plaudunt subsellia Regni,
Dum sua Bæticiæ redduntur præmia laudi,
Et rerum doctor sacrarum sumit habenas,
Eriget hic vitæ normas Academicæ in vsum,
Nec squallere sinet fluxas aut labier vltra.
Atque Quirinus vti, versæ si in viscera quando
Romulidum vires, sistit se à parte Senatus.
Sic si contingat mentes sæuire procellis,
Opprimet hic noster cunctas, solem que reducet.
Vsuram que; Quirinus vti sibi lucis ademit,
Libera quod legum violari iura videret:

Urania sacra.

Sic noster diris mallet se tradere poenis,
Quàm libertatis violatas cernere leges.
Quare Sarmaticus Romano laude Catoni
Æqualis, titulos Doctorum & nomina sumat,
Et tantis animis similis contendat haberi.
Hoc vestris fufis concordēs voluite Parcæ,
Annue tu que soror, faueant vt ea omnia votis.

CAL: Annuo, te que sequor, faueant vt ea omnia votis.
Numina magna precans, Votis pia numina adeste.
Sed Falentiadæ laudes, extrema laboris
Pars tua iam promat, meditata carmine dulci.

VRAN: Hoc equidem germana lubens præstare stu-
Namq; fatebor enim post vltima fata meorum, (debo.
Cum varias animo curas afflicta dolore
Iactarem, lustrans oculis doctrinam animosq;
Aonio in coetu, quærens ad munera tanta
Maturus ætate viros, sine felle, dolo que,
Nostros hic vnus sensus est sæpè moratus,
Semper & absterfit lachrymas, curasque leuauit,
Occultasque sui flammās in pectora sparfit;
Ante alios multâ prodens se Palladis arte,
Deuotâque Diis, pariter virtute forensi.
Terrarumque velut dominis Roma inclyta regnans,
Absterfit fordes curisque leuata reuixit,
Postquàm Scipiades exhaustam strage Quiritum,
Magnanimumq; Ducum, patriæ stimulatus amore,
Induperatoris suscepit munera magna.

Sic

Sic nunc lætantes motus, & gaudia mente
Concipio, curarum expers lachrymasq; perosa,
Sedes cùm cerno nudatas morte virorum
Ingenium Falentiadæ exornare politum,
Qui geminâ reliquis virtutum lampade splendet,
Inter luna velut flammæ Titanque minores,
Iudicio veterum, & docta ratione sophorum,
Et curandarû rerum ingenioque forensi;
Quæ duo, res omnes firment si robora iunctim,
Res omnes cælos pertingent vertice summo,
Nec sæuam flantes metuent Aquilone procellas,
Nec si Mirmidonum Dolopumue exercitus adsit.
Nec si acies ducat Mauortia Roma Quiritum.
Quid non hac geminâ virtute Falencius vnquam
Audebit magnum, proprio discrimine vitæ?
Hic acie ingenii strictâ tela improba franget,
Quæ tenet adducto prædonum Tartarus arcu,
Imbuet hic Christo deuotas nectare mentes,
Ambrosiæq; cibus enutriet ipse beatis,
Omnia quæq; ferent Diuini dogmatis artes
Suscipiet validis humeris hic cælifer Atlas,
Cunctaque felici donabit sine recepta.
Hic simul antiquas laudes & facta parentum,
Ordinibus magnis hominum permixtus adibit,
Cùm prudens pulchrâ pro libertate loquetur,
Principibusq; viris animos accendet amore
Ornandi veteres musas, loca prisca Licæi,

Omnia sacra.

Magnæ vbi funduntur fœcundi pectoris artes,
Scipiadæq; velut bellis & fortibus ausis
Romula res creuit Poenis Carthagine ademptâ.
Sicq; viro hoc, famâ meritisq; Academia crescet,
Dum iuri patrio forsan si quid sit ademptum,
Ædibus excedens repetet conamine multo.
His ego iam nostras laurus virtutibus amplis
Impono, clarâ signans in imagine clarum
Doctorem legis sacræ, rerumq; peritum.
Quod vos ô superi fato firmate perenni,
In terrisq; quibus studiis reuerentia vestri
Augetur, lateq; animis mandata fouetur,
Hæc vestro longum vigeant adiuta fauore,
Et date, quæ votis optamus læta benigni.
Hoc etiam fufis concordēs voluite Parcæ,
Annue tuq; soror, faueant vt ea omnia votis.

CAL: Annuo, teq; sequor, faueant vt ea omnia votis.
Numina magna precans : Votis pia numina adeste:
Et date felices superent vt secla nepotum.



tjs.

Biblioteka Jagiellońska



str0025865

